

Broj: 03-04-366-7/26
Sarajevo, 10.08.2026. godine

PARLAMENT FEDERACIJE BOSNE I HERCEGOVINE
Zastupnički dom
n/p gosp. Ivanu Miličeviću, tajniku ✓
n/p gosp. Damiru Nikšiću, zastupniku

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 11-08-2026			
Org. Jed.	Broj	Priloga	Vrijednost
05/1	-02-	412	/26

Predmet: Odgovor na zastupničku inicijativu

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u privitku Vam dostavljam akt Federalnog ministarstva okoliša i turizma, broj: 04-19-717/26-2 od 06. kolovoza 2026. godine, koji se odnosi na zastupničku inicijativu zastupnika Damira Nikšića.

S poštovanjem,


TAJNIK VLADE
dr. sc. Edita Kalajdžić

Privitak: kao u tekstu

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Broj: 04-19-717/26-2
Sarajevo, 06.08.2026. godine

VLADA FEDERACIJE BOSNE I HERCEGOVINE
N/R gđa. Edita Kalajdžić, sekretar Vlade

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 10.08.2026			
Organizaciona jedinica	Klasifikaciona oznaka	Radni broj	Broj priloga
03-04-		366-7/	2026

Predmet: Odgovor na podnesenu inicijativu poslanika u Predstavničkom domu Parlamenta Federacije Bosne i Hercegovine, gosp. Damira Nikšića, *dostavlja se*

Veza: Vaš akt broj 03-04-366-7/2026 od 17.07.2026. godine

Poštovana,

Dana 20.07.2026. godine zaprimili smo Vaš akt, kojim je zatraženo postupanje u skladu sa nadležnostima vezanim za podnesenu inicijativu poslanika u Predstavničkom domu Parlamenta Federacije Bosne i Hercegovine, gosp. Damira Nikšića, a kojom se od Vlade Federacije Bosne i Hercegovine traži „da u saradnji sa Federalnim ministarstvom okoliša i turizma, Federalnim ministarstvom energije, rudarstva i industrije, Federalnim ministarstvom poljoprivrede, vodoprivrede i šumarstva te drugim nadležnim organima, hitno pripremi i donese uredba kojom će se propisati obaveza da svako privredno društvo koje na području Federacije Bosne i Hercegovine vrši geološka istraživanja ili eksploataciju kritičnih mineralnih sirovina prethodno osigura odgovarajuću finansijsku garanciju za sanaciju, rekultivaciju i obnovu prostora obuhvaćenog istražnim ili eksploatacionim radovima.

U inicijativi se dalje navodi da bi se uredbom naročito trebalo propisati:

- obaveza polaganja finansijske garancije prije izdavanja ili stupanja na snagu odobrenja za geološka istraživanja ili eksploataciju,
- način određivanja visine garancije u skladu sa obimom zahvata, procijenjenim troškovima sanacije i stepenom rizika po okoliš,
- oblik finansijske garancije (novčani depozit na poseban račun, безусловna bankarska garancija ili drugi odgovarajući instrument osiguranja),
- uslove pod kojima se garancija može djelimično ili u cjelosti vratiti nakon što nadležni organ utvrdi da su rekultivacija i sanacija izvršene u skladu sa propisima i izdatim dozvolama,
- način korištenja sredstava iz garancije u slučaju da nosilac istraživanja ili eksploatacije ne izmiri svoje obaveze.

Nadalje u obrazloženju inicijative se naglašava da važeći propisi, koji uređuju oblast geoloških istraživanja i rudarstva, ne sadrže djelotvoran mehanizam, kojim bi se osiguralo da investitor unaprijed obezbijedi finansijska sredstva za sanaciju i rekultivaciju zemljišta nakon završetka istražnih ili eksploatacionih radova i da takav pravni vakum predstavlja ozbiljan rizik za okoliš, javne finansije i lokalne zajednice „jer u slučaju stečaja, prestanka rada ili napuštanja projekta od strane investitora, troškovi sanacije mogu pasti na teret građana Federacije Bosne i Hercegovine, dok devastirani prostor ostaje bez adekvatne obnove.“

Federalno ministarstvo okoliša i turizma zahvaljuje gosp. Damiru Nikšiću na iniciranju ovog izuzetno važnog i aktuelnog pitanja te u nastavku daje sljedeći:

ODGOVOR

Federalno ministarstvo okoliša i turizma smatra da je pitanje uspostavljanja odgovarajućih mehanizama finansijskog osiguranja za sanaciju, rekultivaciju i obnovu prostora nakon završetka geoloških istraživanja i eksploatacije mineralnih sirovina od izuzetnog značaja sa aspekta zaštite okoliša. U tom smislu, neophodno je uspostaviti odgovarajući normativni okvir, kojim će se osigurati efikasan sistem odgovornosti za provođenje mjera sanacije i rekultivacije, uz jasno definisane obaveze nosilaca istražnih i eksploatacionih aktivnosti.

Federalno ministarstvo okoliša i turizma je i prilikom pripreme izmjena i dopuna Zakona o zaštiti okoliša prepoznalo potrebu sistemskog uređenja pitanja odgovornosti za nastanak štete u okolišu, njenog sprečavanja i otklanjanja. S tim u vezi, u tekstu Nacrta zakona predviđeno je donošenje uredbe kojom će se detaljnije urediti kriteriji za utvrđivanje prijeteće opasnosti od nastanka štete i štete u okolišu, mjere sprečavanja i sanacije štete u okolišu, uključujući posebne mjere za pojedine sastavnice okoliša, zaštićene vrste i prirodna staništa, način procjene i utvrđivanja troškova sprečavanja i sanacije, vrste i obim finansijskih garancija, kao i postupak utvrđivanja odgovornosti i obaveza subjekata.

Međutim, imajući u vidu da se geološka istraživanja i eksploatacija mineralnih sirovina uređuju posebnim propisima iz nadležnosti Federalnog ministarstva energije, rudarstva i industrije, Zakona o geološkim istraživanjima i Zakona o rudarstvu, ocijenjeno je da pitanja finansijskih garancija za sanaciju, rekultivaciju i obnovu prostora nakon završetka istražnih i eksploatacionih radova trebaju biti uređena upravo tim sektorskim propisima. Takvim pristupom osigurava se jasno razgraničenje nadležnosti između resornih ministarstava, izbjegava normativno preklapanje propisa, te omogućava efikasnija provedba i inspekcijski nadzor nad izvršavanjem propisanih obaveza.

Federalno ministarstvo okoliša i turizma, polazeći od svoje zakonom utvrđene nadležnosti u oblasti zaštite okoliša, zaštite prirode i upravljanja otpadom, ostaje opredijeljeno da, u saradnji sa nadležnim institucijama, svojim stručnim znanjem i iskustvom doprinese pripremi propisa kojima će se na cjelovit i efikasan način urediti predmetna materija, uz istovremeno usklađivanje domaćeg zakonodavstva sa pravnom stečevinom Evropske unije.

S poštovanjem,



Dostaviti:

- Naslovu
- Poslaniku Damiru Nikšiću
- Arhivu